

斜

川

集

附錄
訂誤

一



19997

斜

川

集

附錄
訂誤

—

蘇

漢撰

中華書局

19998

斜

川

集

附錄
訂誤

一

二

過
撰

中
華
書
局

叢書集成初編

斜川集附錄訂誤二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

校刻斜川集序

蘇氏斜川集。南宋以後。流傳已寡。康熙閒。有詔索之未得。故四朝詩中。祇錄一首。以存其真。自餘贗本。大率因謝幼槃。劉改之。二人名與叔黨相類。竄其集以欺世。東南士大夫。家置一編而不覺。近日蜀中有新葺斜川集。亦龍洲道人作也。乾隆辛丑冬。集大興翁學士蘇齋脩東坡先生生日之祀。學士手編示余曰。此叔黨斜川集。從永樂大典錄出。可以證諸贗本之非。乃取集中大人生日詩。邀同人和焉。會請急南下。未及假鈔。以爲耿耿。越六年丙午。客授桐鄉。偶語鮑君以文。則以文已先屬其友人仁和吳君麗煌錄寄。喜極欲狂。亟索校閱。有可據引者。條疏於下。雖未能復宋本舊觀。廬山面目。庶幾可睹矣。夫人情於不易見之書。則尤思慕弗釋。必力購得之。而後快。矧祖考名德。奕世稟承。其文爲史傳所稱。其行爲家庭所誦。光靈未泯。簡冊亦神。宜爲世如何珍重哉。今觀其詩文。具有家法。東坡好和陶。而叔黨有小斜川之作。東坡善言兵。而叔黨有論黎事之書。出處進退。未忘家國。使天假以年。名或不在于其父下。惜乎身處末流。仕又再黜。輾軻道死。不獲措其蘊於天下。是則才人之不幸夫。然四庫之積。浩如煙海。君文於其閒。直一稊粟耳。沈晦伏匿。至六百數十年。而卒顯於右文之世。不可謂非幸矣。是集著錄於宋史藝文志爲十卷。陳氏書錄解題。馬氏通考。卷數皆同。永樂大典所錄。殘佚之餘。厘釐六卷。乾隆丁未四月付梓。中閒作輟。涉冬而後藏事。商榷讎勘。以文一人而已。乾隆五十三年。歲在戊申春正月。

斜川集補遺序

乾隆四十七年。仁和吳君元長。鈔得斜川集零篇於孫中翰寓齋。武進趙味辛先一年冬集大興翁學士齋。亦見此書。請急南下。未及錄。蓋兩家本皆採自永樂大典中者。吳君寄其鄉人鮑氏。屬刻行於知不足齋。是時味辛適在杭。篤愛斯集。喜其沈晦六百數十年之久。一旦創獲。憫藉愉快。遂獨任剞劂役。商榷體例。訂證譌誤。釐成六卷。鮑氏與有力焉。斜川集乃克流播藝林。而謝幼槃之竹友集。劉改之之龍洲集。皆還舊觀。世稱快事。越廿年。太歲在戊辰。

詔修唐文。善充總纂。檢永樂大典。偶睹志隱篇。叔父所居六首。昔吳君作跋。致憾缺略者。屬草錄歸。較趙刻復得遺詩五十三首。文十五篇。遺珠之憾。或尙弗免。就茲勒爲二卷。已自哀然。且於直齋十卷原數。不甚懸絕。此實叔黨先生英靈有以默相之。亦趙君。吳君。鮑君之有以啓其先也。世有趙君其人者。吾願續而行之。以饜飫趙君之志。以饜飫天下人嗜古之志。嘉慶十五年六月十四日。柏山法式善病中述。

題辭

校錄斜川集寄鮑以文

仁和吳長元麗煌

蜚煙蠻雨獨相從。筆下波瀾嗣乃公。人誦高名瓊海外。天留遺藁玉函中。妙自永樂大典清游乍識匡廬面。舊時行世

皆實本

晚景還傾靖節風。叔黨晚景以

寄語隱湖毛處士。蘇門會策汗青功。

吳麗煌寄示斜川集志喜

歙縣鮑廷博以文

湖陰水竹繼高蹤。海上文章喜亢宗。蘇氏昔元推怒虎。蘇氏三虎季虎大怒當時語也集公今始識真龍。颶風一賦猶堪補。颶風賦從宋文鑑補錄小圃三詩那更逢。惠州小圃五欣賞不忘知己共。遠煩千里手題封。

斜川集卷第一

正月二十四日侍親游羅浮道院棲禪山寺

玉案坡集有正月二十四日與兒子過賴仙芝王原秀才僧墨穎行全道士何宗一同游羅浮道院及棲禪

精舍過作詩和其韻寄適
追一首是爲紹聖二年作

淡雲曉蔥蘢野水清可揭山明草木秀百里見瑣細人閒境愈靜地暖春先逝桃李已青枝落花空覆砌涼風稍可愛習習來衣袂赤日雖未苦炎炎逼裘毳道人疑有道羽服襟裳弊晨齋爨無煙含糗聊卒歲空塔指華撥破屋緣薜荔拄杖挑箬蕨折柳樊蘭蕙居夷信何陋卽此可遁世敢師浴乎沂不數山陰禊人生行樂耳四海皆兄弟何必懷故鄉吾駕隨所稅

人淺

玉案紹聖二年坡在惠州有小圃五畝此首及枸杞一首蓋是時同作而佚地黃甘菊蕙荻三首

草木異所稟甘苦分炎涼人淺獨中和羣藥敢雁行雖微瞑眩力頗著難老方譬之古循吏有益初無傷安神補五臟自使精魄強羅浮仙者居靈質不自藏移根植膏壤極葉榮以長東南雖異產遼海誰能航誓將北歸日從我涉漢湘種之眉山陰得與伯仲嘗

枸杞

春榮插新芽秋篴得紅實霜根釀我醪色味兩奇絕老人鬢已絲處子何由得早佩斯人言百歲真瞬息今我幸未衰妙藥況咫尺食前得珍蔬新釀掃故疾瘴海風土惡地氣侵腰膝元鬢或偃僂襍稌顏已墨

西河安可冀。北歸願如昔。區區摘蒼耳。轟陋非所敵。

次韻叔父浴罷

懷玉案。子由浴罷時。載樂城後集。紹聖四年。坡在安化軍。有和詩。此蓋同時所作。

黃門昔萬機。下士勤握沐。今已與世疎。雅志追沂浴。丹田有宿火。如比陽來復。轆轤自轉水。離坎俱實腹。謫居百事乏。惟喜薪水足。時濯西風塵。一寓歸鴻目。勿驚脾肉少。衣褐真懷玉。明鏡雖無垢。新苗良待沃。雨餘餐巖岫。露重膏松竹。更觀雲入山。心與境同熟。道書如雨初晴。雲入山林之語。珍重耆城言。妙解何須讀。潔香非外求。清淨常返矚。物初信可游。儻來非所卜。益師莊叟言。養生貴緣督。

次陶淵明正月五日游斜川韻

懷玉案。坡和陶詩。有正月五日與兒子過出游作是爲元符元年在儋州作。

歲豐田野歡。客子亦少休。糟牀有新注。何事不出游。春雲翳薄日。礪石俯清流。心目兩自閒。醉眠不驚鷗。茅茨誰氏居。雞鳴隔林丘。曳杖叩其門。恐是沮溺儔。但苦鵠舌談。爾汝不相酬。築室當爲鄰。往來無憚不。澄江可寓目。長嘯忘千憂。儻遂北海志。餘事復何求。

五色雀和大人韻

懷玉案。五色雀詩。元符元年。坡在儋州時作。○坡詩序云。海南有五色雀。常以絳羽者爲長。進止必隨焉。俗謂之鳳皇。云久旱而見。輒雨。潦則反是。予卜居儋耳城。

南管一至庭下。今又見之。進士黎子雲及其弟威家。既去。吾舉酒祝曰。若爲吾來者。當再集也已。而果然。乃爲賦詩。

神雀來何從。飛鳴自爲徒。尊卑有定分。衆色敢亂朱。與公作新年。禮讓陋桃符。南遷不見鵬。屢集升平鳥。柳仲郢每遷官必烏。集升平第五日乃散。翩然自靈物。豈惟眷庭梧。年來翟公門。寂寞誰與娛。瓜田豈故侯。環堵真前儒。雖知非天窮。嶮阻殆切膚。海南夷獠窟。安得此異雛。似爲三足使。仙子儻見呼。定知隱凡人。嗒焉非昔吾。不願

宴西瑤東華返舊都

冬夜懷諸兄弟

懷玉案此在舊耳作

霜風連日惡。霜月連夜苦。青燈寒無光。翳翳昏復吐。念我手足愛。相望若秦楚。兩兄寄陽羨。耕稼事農圃。簞瓢有餘樂。菽水未爲寢。兩兄客潁川。耿耿懷去魯。近聞營菟裘。稍亦葺環堵。有弟雖咫尺。相逢猶齟齬。黃灣隔小海。孤嶺度大庾。今年厄陳蔡。夫子嗟兕虎。惟我二兄弟。頗亦嘗險阻。憶昔居大梁。共結慈明侶。晨窗惟六人。夜榻到三鼓。豈知聚散事。翻手如雲雨。我今處海南。日與漁樵伍。黃茅蔽湖谷。白霧昏庭宇。風高翔鳴梟。月黑號颺鼠。舟居雜蜚螫。卉服半夷虜。下牀但藥餌。遺瘴煩樽俎。何須齋墮時。方念平生語。次韻大人與藤守游東山

懷玉案坡元符三年九月離藤州至藤州有游東山詩題云徐元用使君仁相令

與其子端常邀僕與小兒過同游東山浮金堂戲作此詩徐元用名璣坡

灘聲已悲秋。澗色猶藏春。駕言東山游。緬彼千載人。使君平陽意。客至但飲醇。風松作鼓吹。迎送長江濱。爾來乘桴翁。歸路物色新。高情寓箕穎。絕意登麒麟。三吳有負郭。穰稔秋盈囷。糠粃喜欲脫。下澤還當巾。縹緲九疑行。此生定知津。故人儻見思。尺書憑素鱗。

將至五羊先寄伯達仲豫二兄

懷玉案此元符三年侍坡離藤通藤橋將至廣州時作坡亦用韻以寄三折乃初曉

孤嶺次子病學

人皆有離別。我別不忍道。惟應付夢幻。事已共一笑。憶昔與仲別。秦淮匯秋潦。相望一葉舟。目斷飛鴻杳。

伯兄陽羨來。萬里踰煙嶠。未溫白鶴席。已餓羅浮曉。江邊空忍淚。我亦肝腸繞。崎嶇七年中。雲海同浩渺。豈知荒村晚。驚拜杜陵老。干戈雖事異。歡喜動夷獠。山川舊悽慘。雲物今清好。不似元都桃。秋風不堪掃。

送張倅彥政赴闕

信馬來并州。并州在何許。太行如登天。憔悴欲誰語。青衫百僚底。屏氣不敢吐。謂當哭途窮。何但折腰俯。忽逢元紫芝。仰視得眉宇。敢論通家舊。竊欲比文舉。先君與叔父嘗得交於公使君況不凡。高論傾肺腑。能容承掾醉。不問車茵污。念我仁壑人。老矣事簪組。端如赴繯囚。坐受獄吏侮。感公懷抱開。一笑忘羈旅。雖知抱關惡。未忍賦歸去。相從僅滿歲。公已歌扶杜。秋風忽零亂。吹盡西山雨。定應催行色。不遣車輪阻。天街早飛輶。鴈鷺看接武。青雲豈難到。少展垂天羽。區區亦自憐。從此歸農圃。

郡守禱雨獲應

秋陽六十日。閔閔歲可懼。原田龜坼塊。城市塵沒屨。誰歟悲若人。活彼於旦暮。精禋發仁惻。誠意輒上訴。神山闕靈湫。水旱天所付。潛虬嬾廢職。暴虎往鬪怒。抑無東海冤。又豈桑羊蠹。天心自饗荅。民語酌道路。嗟予生理拙。飢飽共農圃。披衣夜不眠。聽此簫聞語。沈疴忽去體。黃壤流膏乳。少寬縣令責。盡復南畝故。呼兒酌我酒。欲寫無佳句。聊同千里謠。非公誰與哺。

再和

吾君如湯仁。常爲無災懼。一夫恐不獲。貿貿悲輯屨。二斗東南憂。詔書走晨暮。陳陳發困廩。粒食不待訴。

知公經綸手，故以民社付。汪然叔度陵，不見偉節怒。德星所臨次，民瘼消朽蠹。祝祠往無愧，飛雨來半路。耕犂及二麥，浸灌休老圃。何人執筆書，爲瑞非虛語。應言潁川鳳，未要貓相乳。益欣獄訟少，三尺略細故。承掾從歌呼，謳謠入章句。謝公未賦歸，赤子猶待哺。

題劉均國所藏燕公山水圖

江湖半此生，老去徒見畫。看山眼已足，涉險夢猶怕。老燕久黃壤，遺墨獨未化。胸中有丘壑，故遣意匠寫。會逢知音人，契此筆端話。故山當早歸，誰是知津者。

顏樂堂

恨無阿堵君，一區今尙欠。且謀蔽風雨，拔草聊自苦。低深人易安，儉陋鬼不瞰。寧辭力少勞，還視家無顧。從來生理拙，況此歲屢歉。故將簞瓢心，聊作梁肉砑。堂前有甘井，汲取良未厭。堂後有藥苗，一飽亦可暫。胡爲不歡樂，何事貧憂詔。作詩置座右，勿使斯言玷。

與范箕叟避暑西湖

快哉楚王風，庶人安得共。西陂浩無價，不計吾儕用。永日不可暮，窮居厭塵閤。出門有佳詣，咫尺窺潭洞。危樓俯木杪，大廈森高棟。戶牖交梧楸，蒲荷接蘋蓴。閒持枕簟往，遽起江湖夢。醒然涼肺肝，習習吹衣動。世閒賤易得，清風誰與重。勞生不自覺，至樂那容衆。北窗與君享，世網念少縱。肉食固肥甘，輕塵沒飛鞚。陪郡守遊西湖泛舟曲水分韻得會字

謝公志東山。杖屨未冠蓋。興成江湖遊。意落軒冕外。陰陰聳夏木。瀏瀏鳴溪澗。擊舟破菰荷。尋徑穿蕭艾。新亭水心見。倒影飛虹背。青山忽入坐。境與人意會。公詩如干將。游刃天宇大。西湖真小鮮。殊未供刀鱠。雲煙日相鬬。媚嫵分晴靄。妙語瀉瓊瑰。化工應有待。

同趙伯充遊曲水趙氏莊分韻得抱字

三春失行樂。風雨與病惱。忽驚節物改。樹密鶯聲老。濫陪閒中客。載酒尋芳草。東郊縱所適。蒼莽事幽討。誰歟有隱居。谿谷相鬱繚。疎籬映脩竹。叩門許徑造。主人雖鋤耰。好客自灑掃。結茅□□年。種木今合抱。飄然佳公子。忽弄松風操。絲桐豈能爾。妙意超物表。歸途踐危橋。月上千林縞。茲游非人寰。俗耳不可道。

和叔父移居東齋

懷玉案。類洛詩載樂城後集。題曰。東齋。三月十八日。

去鄉三十年。夢寐猶西土。阨窮未能歸。諒亦君子固。結廬箕穎間。絕意爲霖雨。聊清一室地。僅作跣跡處。邇來又謝客。不待羹轅釜。西齋舊翳密。日晏窗先暮。東軒得爽塏。眞作禪侶住。公舊自謂東軒長老。陶潛採菊時。尙復有眞趣。公今觀此心。浩然忘客主。坐了一大緣。固已遺能所。

次韻岑彥高史強本春日書懷二首

二豪以詩鳴。優劣孰敢分。縱橫閱萬卷。何憂備三鄰。終年發揣摩。秀句吐陽春。誰云不富畚。安取三百困。汝穎素多奇。世不乏孫陳。避家諱。故作孫。著書效潛夫。奏賦嗤陵雲。哀時無祁奚。丹書誰爲焚。儻令試一割。晉盜當奔秦。德業闕不耀。天欲昌其身。定交乃余求。不貴白髮新。從此杖屨數。爲子掃楊塵。高談看疊疊。揮麈

落紛紛。

逝水不可復。百年行中分。自嗟齒髮故。晚境桑榆鄰。節物禮消長。枯葦不知春。軒裳歎難肋。雀鼠盜廩困。學藝晚愈拙。彈冠力難陳。澹然忘出處。任此無心雲。世路羊腸險。恐遭象齒焚。何如老山澤。憔悴非逃秦。嵩少幸咫尺。雲泉許容身。平生餘嗜好。含舊當謀新。安心本無法。妙理契析塵。優哉真卒歲。豈復悅華紛。

寄題撫松堂

胸中朝市遠。何必擇所居。門無結駟客。山林入吾廬。西洛有君子。築室城之隅。種松在庭戶。志與淵明俱。朝挹西山爽。莫尋南澗娛。霜中鶴骨瘦。雨夜龍髯疎。主人應相似。節抱陵雲孤。不知寒暑遷。肯徇世俗趨。昔稱水南北。去曳侯門裾。能伴松菊老。固知涇渭殊。我恨營口腹。斂板慙妻孥。三逕未能歸。高臥子不如。青衫滿塵土。何時返樵漁。未用北山移。我來只須臾。

寄題北海文舉堂

巨君竊漢璽。如取鴻毛輕。孟德老且死。不見姦業成。乃知朝無人。誰憚百公卿。一夫能仗節。介然屹長城。忠義國所託。安危與之并。吾於文舉見。坐折姦邪萌。誰能搏猛虎。乃用尺蠖嬰。義氣橫宇宙。不煩尺寸兵。悲哉天所壞。一木難扶傾。梟驚不兩立。夫子安得生。中原竟分裂。三姓鼎足爭。當知千載後。高名獨崢嶸。使君定不凡。論友古豪英。作堂追餘烈。豈祇求空名。廢卷屢歎息。孤忠誰發明。玉石痛俱燼。鯨鯢脫誅烹。嗟余志謬懦。怒髮猶衝纓。九原不可作。涕淚徒縱橫。

和王仲弓雪中懷友之什

懷玉案仲宮名寔王文格樂道之子

出門無所之。懷刺名欲滅。要求找輩人。庶緩禮法設。城南有勝士。塊坐方禪悅。不嫌來往頻。相對餐鹽雪。我非淳于狂。君勿怖燭滅。時能啜少醴。誰爲穆生設。明窗坐弈碁。聊以寄怡悅。勝固無所爭。敗亦何足雪。

次韻少蘊移竹於賈文元園二首

時伴車乃文元齋孫

倚歟丞相園。中有歲寒根。千夫屹冠劍。坐閱雲來孫。當年擁節旄。雅志在淇園。琅玕映城郭。琴筑鳴潺湲。春筍半出林。橫鞭爭觸藩。坐陵霜雪氣。高壓桃李繁。年來王子猷。來乘刺史軒。請分一畝陰。自訪三家村。賦詩屬公考。益遣交情敦。一雨飽生意。莫嫌池水渾。

我公經綸手。胡爲試盤根。忠言與嘉績。有後期臧孫。胸中五千卷。三歲不窺園。種德如川增。源深自潺湲。邊辭承明廬。出備諸侯藩。仁風被草木。已覺棠陰繁。此君況手植。伴公讀書軒。未須勞越吟。寓目聊江村。羣豪爭吐奇。和詩相勸敦。愧無嵯巖句。往繼火陸渾。

送在庭姪領漕歸蜀

伯祖昔爲郎。出乘使者轡。德星照東蜀。遺愛及後昆。登車問民瘼。手拊創痍痕。遂使吾蜀人。不知獄吏尊。迢迢六十年。乃復見曾孫。曾孫早讀書。待詔金馬門。一選文昌省。駸駸西掖垣。凜然七尺軀。雲夢不足吞。乃居嚴徐間。舌齒吐吻唇。青雲豈不願。局促畏短轡。收拾五車書。歸掃西山墳。平生有家學。舍魚取熊蹯。況茲甘棠俗。尙懷挾纊恩。上以慰慈母。一笑請平反。下以慰父老。俯不忤九原。更酌老翁水。我爲歌此言。

和母仲山雨後玉案樂城後集有見兒姪唱次韻五首即此雨後諸詩也

柴門似郊居。煙草碧萋萋。君能慰幽獨。數而情已奢。山雨洗茅屋。耳目清如洗。憑君發妙語。筆有書萬卷。杜陵有佳句。久旱雨亦好。從教怨行旅。一作覺慰父老。我似廣文貧。飽食平生少。忍飢山澤儒。未易窺三島。

西湖跬可至。不畏城闌阻。芒屨與竹杖。穿泥未爲苦。清波暗萍藻。中有芙蓉吐。驟雨真可人。新荷亦掀舞。能琴何必弦。但曉琴中趣。學道何所得。知迷卽眞悟。嘗觀指非月。要似足忘屨。歸吾無所歸。茲焉定歸處。吾廬不知暑。心閒自清涼。醉鄉豈難入。不假陶令觴。白髮我摧朽。青雲子軒昂。溪山會先往。簪組未汝忘。和范信中雪詩二首

春事已稍稍。雪泥阻遊觀。壯心本無多。老境嗟易闌。念子功名士。早嫌懷與安。棄繻事遠遊。肯待齒髮殘。世事屬磨耳。口口口口餐。急流成一快。勇退人獨難。慎守林泉幽。莫辭松桂寒。餘齡付空寂。粗免非意干。願同王翰鄰。未暇貢禹彈。糝糠身外物。況復子所歎。君家寓城市。乃有山林觀。高高復下下。卜築殊未闌。昨夜三尺雪。閉門學袁安。且欣麥隴足。未怕紅梅殘。誰憐屬國蘇。取糴臥自餐。欲尋鳥道往。反畏屐齒難。凍凍路邊竹。倚空爭歲寒。嚴如十萬夫。玉山方總干。悲風動騷屑。伴我長鉞彈。布衾冷如水。敢效無魚歎。

小雪

小雪不盈寸。陰風何凜冽。那堪平地尺。奈此衣百結。天公固念民。已兆豐年悅。不知貧與富。苦樂相懸絕。沈沈五侯居。碧瓦映華稅。獸炭麒麟紅。銀瓶黃封揭。春風遶幄帳。醉面生綺纈。賜宴明光宮。玉色迷金闕。誰憐華門士。破壁穿飛屑。捉襟肘常見。納履指屢決。夜長不可度。薪溼何由爇。飢吟數更鼓。坐歎生理拙。寒暑有代謝。何須怨窮達。猶勝臥穹廬。破甕空自鑿。

湖陰有隱君子作軒曰獨樂鄉人常希古爲賦詩屬子同作寄之

吾聞顏氏子。簞瓢歡有餘。不知外慕樂。服膺在詩書。君看軒冕榮。其辱與之俱。斯游豈不遂。上蔡曾弗如。倚伏無已時。循環共一塗。賢愚但相笑。莫知改前車。嗟我晚聞道。一官真遽應。得之不爲喜。失之分所無。塵垢未忘掃。冰炭久已除。蕭然百憂釋。夢覺兩于予。江南有高士。以樂名其居。嗜不同衆好。德則良不孤。磨鉛事簡策。校讎獨勤劬。持此返退藏。不願拾紫朱。黃卷有晤語。捨茲無與娛。安得乘扁舟。訪君在五湖。送梁與可赴中山倉

達人無畛畦。從仕聊爾耳。言辭將軍幕。去作倉庾氏。君懷著雲夢。尚有恢恢地。眷此亦鴻毛。何足爲軒輊。相君澤未遠。風流王謝比。滿牀簪笏閒。乃見山林士。嗟余南畝人。投老坐關市。蕭然見眉宇。真足忘漿餽。平生南陽館。市駿得千里。帳中三千客。不數曳珠履。要知磊落人。臭味同蘭茝。翻然若鴻鵠。飛去今無幾。我行抽手板。亦復還耒耜。安能久俛首。自困刀筆吏。

葉守奉詔祠神霄二首